

til laga um gjald af innlendri vindlagerð og tilbúningi á konfekt og brjóstsykri.

(Eftir 2. umr. i Nd.)

1. gr.

Enginn má reka innlenda vindlagerð nje tilbúning á konfekt og brjóstsykri til sölu, hverrar tegundar sem er, nema tekið hafi leyfisbrjef hjá lögreglustjóra, þar sem framleiðslan fer fram. Fyrir leyfisbrjefið skal gجالدا 100 kr. til bæjarsjóðs eða sveitarsjóðs. Ákvæði þetta gildir einnig um þá, sem nú reka vindla-, konfekt- eða brjóstsykursgerð.

2. gr.

Fyrir hvert tvípund (kg.) af tóbaksvindlum eða vindlingum, sem eru tilbúnir hjer á landi, skal greiða í landssjóð gjald, er nemi helmingi aðflutningsgjalds af vindlum eða vindlingum eftir tolloðum þeim, er í hvert sinn gilda. Fyrir hvert tvípund (kg.) af brjóstsykri og konfekt, sem er tilbúið hjer á landi, skal greiða í landssjóð gjald, sem nemi þriðjungi aðflutningsgjalds þess, sem af þeim vörutegundum ber að greiða samkvæmt tolloðum.

3. gr.

Framleiðandi skal greiða gjaldið til hlutaðeigandi lögreglustjóra áður en varan er látin burt frá honum — seld eða send til umboðssölu.

Af birgðum þeim, sem fyrir liggja af innlendum konfekt og brjóstsykri þegar lög þessi öðlast gildi, skal gjaldið einnig greitt, og skal hver sá, sem slikan varning hefir til sölu, senda lögreglustjóra sinum innan viku drengskaparvottorð um það, hve miklar birgðir hann hefir, og greiða jafnframt gjaldið.

4. gr.

Vörugerðarmenn mega ekki selja minna í einu af vörum þeim, er ræðir um í lögum þessum, en nemi 25 kr. virði. Að öðru leyti setur stjórnarráðið reglugerð um vörugerðina og afhendingu og sölu varanna, að svo miklu leyti, sem þurfa þykir til að tryggja gjaldheimtu á þeim.

5. gr.

Brot gegn fyrirmælum 1., 3. og 4. greinar, eða reglum þeim, er stjórnarráðið setur samkvæmt 4. gr., varða sektum, alt að 500 krónum. Stjórnarráðinu er heimilt, auk hegningarsekta, að leggja dagsektir við brotum á reglugerðinni. Nú verður vörugerðarmaður uppvís að því, að hafa sagt rangt til um vörugerð sína eða birgðir, eða selt er af birgðum, án þess að gjaldið sje greitt, og varðar það þann, sem brotið hefir, sektum frá 100—1000 krón-

um, og gjaldi auk þess þefalda upphæð gjalda þess, er hann hefir reynt að draga undan. Heimta má gjaldheimtumaður æru- og samviskuvottorð vörugerðarmanns um framtal vöru.

6. gr.

Vörur þær, sem gjaldskyldar eru samkvæmt lögum þessum, skulu vera að veði fyrir gjaldinu og sektum. Sjeu rjett skil ekki gerð, getur lögreglustjóri selt þær birgðir, sem fyrir finnast, án undangengins lögtaks eða fjárnáms, til lúkningar gjaldi og sektum. Það skal gera á uppboði, er boðað sje með viku fyrirvara, og má lögreglustjóri krefjast borgunar við hamars-högg. Nú næst eigi til þeirrar vöru, er gjaldið átti af að greiða, og má þá, án undansfarandi birtingar, gera lögtak fyrir gjaldi og sektum í öðrum eignum gjaldanda.

7. gr.

Mál, er rísa út af brotum gegn lögum þessum, skal fara með sem almenn löggreglumál. Hegningarsektir allar renna í landssjóð. Þó skal sá fá helming sektar, sem veldur því með frásogn sinni, að uppvis verður undan-dráttur á gjaldi.

8. gr.

Fyrir gjaldheimtum og sektum eftir lögum þessum skal lögreglustjóri gera reikning samkvæmt þeim reglum, sem settar eru eða settar verða um opinber reikningsskil.

9. gr.

Með lögum þessum eru úr gildi numin lög nr. 41, 16. nóv. 1907.

10. gr.

Lög þessi öðlast gildi jafnskjótt og út er gefin reglugerð sú, er um rædir í lögum þessum.